




類函 百六六

儀飾 三百六七一



加
427
166





43
427
166

新金圖書

此係明治八年八月廿一日
早稻田諸君贈以

早稻田圖書

淵鑑類函卷三百六十七

儀飾部一

鹵簿 鬣頭

警蹕 蓋

繖 附節

黃鉞 雲罕

豹尾

鹵簿一

原蔡邕獨斷曰天子出車駕次第謂之鹵簿有大駕有小駕有法駕大駕則公卿奉引大將軍參乘太僕御屬車八十一乘 漢舊儀曰法駕公卿不在鹵簿中河南尹執金吾洛陽令奉引侍中參乘屬車三十六乘鑿旗車皆大夫載漢西都時祀天地於甘泉宮備大駕祀天法駕祀地五郊明堂者十三祀宗廟者九謂之小駕大駕太僕校駕法駕黃門令校駕

增漢官制度曰長安

儀飾部

淵鑑類函卷三百六十七

鹵簿

時出祠天於甘泉用之名曰甘泉鹵簿 宋禮志曰甘泉鹵簿者道車五乘游車九乘在乘輿車前又有象車最在前試橋道晉江左駕猶有之 司馬遷傳從上上雍注如淳曰遷時從上在鹵簿中也 上林賦鼓嚴簿注孟康曰簿鹵簿也 又曰襲朝服乘法駕建華旗鳴玉鸞 西都賦曰乘鸞輿備法駕 西京賦曰大駕幸乎平樂帳甲乙而襲翠被 谷永傳曰朝覲法出而後駕陳兵清道而後行 漢官志曰太僕卿掌車馬天子每出奏駕上鹵簿用大駕則執馭侍中侍顧問應對法駕出則多識者一人參乘餘皆騎在乘輿車後 應劭

漢官儀曰大駕鹵簿五營校尉在前名曰填衛 又漢官鹵簿圖曰乘輿大駕則御鳳皇車以金根為副 漢輿服志曰諸侯王法駕官屬傅相以下皆備鹵簿 又曰輕車洞朱輪輿大駕法駕出射聲校尉司馬吏士載以次屬車在鹵簿中郊天黃門從官四人冠巧士冠在鹵簿中以備宦者四星 又曰行祠天郊以法駕祠地明堂省什三祠宗廟尤省謂之小駕每出太僕奉駕上鹵簿中常侍小黃門副尚書主者郎令史副侍御史蘭臺令史副皆執注以督整車騎謂之護駕春秋上陵尤省於小駕直侍尚書一人從其餘令以下皆先行後罷

齊志曰江淹議云後漢唯南郊備大駕自北郊以下
車駕十省其二 晉輿服志曰中朝大駕鹵簿先象車
次洛陽亭長赤車淮陽阜黃司南九游武剛雲罕闕戟
皮軒鸞旗建華車相風五時車高蓋左畢右罕華蓋裡
鼓金根車建青旂十二曲華蓋黃鉞車五牛旗大輦五
色立車安車建旗十二如車色闕猪耕根車赤旗十二
御輅四望衣書藥車豹尾車自豹尾後鹵簿盡矣 張
敞晉東宮舊事曰皇太子初拜有赤旄幢一石山安車
一建九旗青色四馬鹵簿有黃麾大小會庭設三廂樂
舞六佾 北史曰故事刺史奉辭備鹵簿南朝御史中

丞建康令皆有鹵簿君臣之通稱 後魏禮志曰太祖
天興二年命禮官採古法制三駕鹵簿一曰大駕設五
輅建太常屬車八十一乘平城令代尹司隸校尉丞相
奉引太尉陪乘太僕御從輕車介士千乘萬騎魚麗鴈
行前驅皮軒闕戟芝蓋雲罕指南後殿豹尾鳴笳唱上
下作鼓吹軍戎大祠則設之二曰法駕屬車三十六乘
平城令代尹太尉奉引侍中陪乘奉車都尉御巡狩小
祠則設之三曰小駕屬車十二乘平城令太僕奉引常
侍陪乘奉車都尉御遊宴離宮則設之天賜二年初改大
駕魚麗鴈行更爲方陣鹵簿列步騎內外爲四重列柵

建旌通門四達五色車旗各處其方諸王導從在甲騎
內公在幢內侯在步稍內子在刀楯內五品朝臣夾列
乘輿前兩廂官卑者先引王公侯子車旒麾蓋信幡及
散官襦服一皆絳黑 隋禮儀志曰鬪猪車其飾如木
輅重輞漫輪蚪龍繞轂漢東京鹵簿所謂獵車者也
唐儀衛志曰唐制天子居曰衙行曰駕人君舉動必以
扇出入則撞鐘庭設樂宮道路有鹵簿鼓吹禮官百司
備物而後動大駕鹵簿天子將出大樂令設宮縣之樂
於庭侍中奏中嚴有司陳鹵簿諸衛以次陳殿庭既外
辦太僕卿執轡天子乘輿以出天子升路太僕授轡黃

門侍郎奏請發鑿駕動警蹕鼓傳音萬年令先導次京
兆牧太常卿司徒御史大夫兵部尚書皆乘輅鹵簿如
本品五路玉金象革木皆有副車有指南記里鼓白鷺
鸞旗辟惡皮軒耕根安車四望羊車黃鉞豹尾及屬車
十二乘輿有相風行漏腰輿小輿五牛旗輿輦有大輦
方輦小輦以旗計者二十七曰青龍白虎辟邪應龍玉
馬三角獸黃龍負圖黃鹿飛麟馱騏鸞鳳飛黃麟角端
赤熊兕太平犀牛駿驥驪騶駟牙蒼烏白狼龍馬金牛
衙門旗并黃麾元武幢絳麾孔雀旄罕畢以隊者七曰
清游朱雀步甲持鉞元武諸衛馬隊大戟隊以兵計者

自金吾果毅攸飛至衙門右左廂凡大駕一千八百三十八人分爲二十四隊列爲二百十四行仗則有黃麾仗細仗儀刀仗仗衛則有親勳翊衛散手衛儀物有曲直華蓋六寶香燈大繖雉尾障扇雉尾扇方雉尾扇花蓋小雉尾扇朱畫團扇睥睨之屬戎器有鈹戟弓箭橫刀襍稍細稍鐵甲甲騎貝裝銀裝儀刀班劍金裝長刀御刀黃鈹楯積弩黑整甲之屬服飾有平巾幘緋兩襠大口袴緋衫紫黃纁朱綠緞綬紛武弁朱衣革帶繡衣青衫赤綦襖黃冒黃袍衫紫誕帶行滕緋袴褶戎服大袍之屬鼓吹有攄鼓金鈺大鼓長鳴鏡鼓歌簫笳大

橫吹節鼓笛簫箏篳桃皮箏篳小鼓中鳴羽葆鼓大角之屬凡五部七十五曲警嚴則夜十二曲中三曲五更三遍樂有宮縣蕤賓鍾采茨大和回路南向侍中請降路乘輿乃入繖扇侍御警蹕如初皇帝入侍中版奏請解嚴叩鈺將士皆休法駕則屬車減四諸隊四分減一鼓吹威儀皆三分減一小駕車輦隊仗鼓吹各減大駕之半太皇太后皇太后皇后出司仗布侍衛六尚以下詣室奉迎內僕進車問外馭者執轡后乘輿以出華蓋侍衛警蹕內命婦從出門后升車從官皆乘馬內命婦宮人以次從有清游隊旗車有重翟腰輦翟翟車安

四望金根及宮人車儀仗有偏扇圓扇方扇香蹬行障
坐障雉尾扇大鐵錦花蓋朱畫團扇錦曲蓋錦六柱絳
麾黃麾牙門東宮鹵簿皇太子出鹵簿陳於重明門外
升車鼓吹振作太傅乘車訓導少傅乘車訓從出延喜
門家令先導次率更令詹事太保太傅太師皆輅車備
鹵簿車有金路副路輅車四望車腰輦旗有龍旗五色
絳引幡赤斝戎器有橫刀儀刀細刀班劔襍稍儀鎧油
戟儀鈿旻及弓箭儀物有誕馬繖雉尾扇朱漆團扇紫
曲蓋隊有清游隊壓角隊佩弩隊左右廂步隊佩弓箭
隊左右廂馬隊佩橫刀騎隊後拒隊司禦衛率府步隊

東宮鹵簿六百二十四人分爲九隊列爲三十一行若
常行常朝無馬隊鼓吹金路四望車又減隊仗三之一
清道儀刀誕馬皆減半乘輅車而已皇太子妃有偏團
方扇行坐障翟車六柱犢車繖大扇曲蓋親王鹵簿有
幟弩車輻絳引告止傳教信幡金塗鈎竿儀鈿儀鎧儀
稍細稍油戟繖扇曲蓋象路駕四馬一品鹵簿有幟弩
車輻誕馬儀刀戟幡繖扇曲蓋革路駕四馬自二品至
四品青衣車輻每品減二人二品刀楯弓箭戟稍各減
二十三品以下每品減十二品三品革路四品五品木
路萬年令亦有清道幟弩騎青衣車輻誕馬輅車一馬

內命婦外命婦一品至四品各有鹵簿云 宋儀衛志
曰凡鹵簿四等大駕法駕鸞駕祥符元年改小駕為鸞駕黃麾仗大
駕鹵簿自開寶定通禮之後彌有增益大祀命五使鹵
簿使專掌定字圖排列儀仗使糾督之大禮使及餘使
同按閱致齋日巡仗凡車路太僕寺主之輦輿繖扇御
馬殿中省主之皂纛猱稍十六騎引駕細仗衙門金吾
主之槍仗六軍主之六引諸隊大角五牛旗兵部主之
寶按門下省掌之鐘漏司天臺掌之鼓吹太常鼓吹局
主之旗器名物衣冠寶蓋錦繡等飾朝服法物庫出焉
龍弩弓矢戎裝雜仗軍器庫內弓箭庫出焉總大駕鹵

簿二萬六十一人法駕三分減一鸞駕又減半兵部黃
麾仗又減於鸞駕大駕凡郊祀藉田薦獻玉清景靈宮
則用之法駕太山汾陰明堂則用之比於大駕則減太
常卿司徒兵部尚書及白鷺崇德等車又減屬車四鸞
駕朝陵封祀朝謁太清宮奏告玉清宮則用之又減縣
令州牧御史大夫指南記里鼓等車法駕用萬一千八
十八人鸞駕用七千人三駕之外有兵部黃麾仗用太
常鼓吹太僕金玉輅殿中省大輦奉迎凡親征御樓省
方還京迎天書聖像六廟上冊則用之大駕六引開封
令牧兵部尚書太常卿司徒御史大夫始於金吾纛稍

清游隊朱雀旗隊十六騎伏飛前隊及仗龍旗十二指
南等車引駕十二重前部馬隊步甲前隊太常前部鼓
吹司天相風行漏等輿持鈸前隊殿中黃麾前部黃麾
仗六軍儀仗引駕十六旗龍墀十三旗御馬日月合璧
等旗青龍白虎旗隊班劔儀刀隊金吾細仗受命寶殿
中繖扇千牛親勳衛翊驍衛等隊夾轂捧日奉宸隊導
駕官鳴鞭御馬繖扇腰輿玉輅大輦持鈸後隊金吾大
角後部鼓吹黃麾芳亭等輿輦五牛旗輿金象革木輅
副五輅耕根車進賢明遠車羊車屬車十二乘黃鉞豹
尾後部黃麾仗步甲後部馬隊後隊及仗真武隊大黃

龍負圖旗黃龍大神等二十旗大駕鹵簿凡繡文金吾
衛以辟邪左右衛以瑞馬驍衛以雕虎屯衛以赤豹武
衛以瑞鷹領軍衛以白澤監門衛以獅子千牛衛以犀
牛六軍以孔雀樂工以鸞耕根車駕以鳳銜嘉禾進賢
車以瑞麟明遠車以對鳳羊車以瑞羊指南車以孔雀
記里鼓黃鉞車以對鷺白鷺車以翔鷺鸞旗車以瑞鸞
崇德車以辟邪皮軒車以虎屬車以雲鶴豹尾車以立
豹相風烏輿以烏五牛旗以五色牛餘皆以寶相花六
引繡衣文清道以雲鶴幟弩以辟邪車輻以白澤駕士
司徒以瑞馬牧以隼御史大夫以獬豸兵部尚書以虎
儀飾部

太常卿以鳳縣令以雉餘悉以寶相花 續文獻通考
曰遼故俗便於鞍馬隨水草遷徙則有羶車任載有大
車婦人乘馬亦有小車富貴者加之華飾禁制踈濶貴
於適用惟帝后加隆焉 又曰金初得遼之儀物既而
克宋於是乎有車輅之制熙宗幸燕始用法駕迨至世
宗大定十一年將有事於南郊命太常寺檢宋南郊禮
鹵簿當用玉輅金輅等項制作乃定班班乎古矣 又
曰元初立國庶事草創車輿一從舊俗世祖至元八年
始造內外儀仗泰定之世復造象輦象輿英宗親祀太
廟復置鹵簿損益唐制定大駕爲三千二百人法駕爲

二千五百人又置五輅并五輅以及腰輿象輅始儀文
大備 又曰明鹵簿儀仗陳設俱隸兵部車駕司職掌
若造作制度則別具工部職掌凡正旦冬至聖節會同
錦衣衛陳鹵簿大駕於殿之東西郊祀鹵簿大駕全設
前期視牲丹陛駕其祭社稷祭太廟山川鹵簿大駕內
去白澤旗以下等項耕籍田幸太學俱用鹵簿大駕
文獻通考石林葉氏曰大駕儀仗通號鹵簿蔡邕獨斷
已有此名唐人謂鹵櫓也甲楯之別名凡兵衛以甲楯
外爲前導捍蔽其先後皆著之簿籍故曰鹵簿

鹵簿二

增漢文帝紀曰奉天子法駕迎代邸 孝文皇帝曰鸞旗在前屬車在後 叔孫通傳注應劭曰月旦出高皇帝衣冠備法駕名曰游衣冠 後漢紀曰建武十三年四月大司馬吳漢自蜀還京師益州傳送公孫述警師郊廟樂器葆車輿輦於是法物始備 儒林傳曰漢明帝行三雍之禮備法物之駕盛清道之儀 晉職官志曰武帝每出入將軍陳懿持白獸幡在乘輿左右鹵簿陳列齊肅 晉公侯贊曰賈后女宣華公主薨皆羽葆鼓吹熊渠攸飛為鹵簿 夏統傳曰賈充欲耀以文武鹵簿命建朱旗舉旛校分羽騎為隊軍伍肅然須臾鼓

吹亂作胡笳長鳴車乘紛錯 晉書曰帝自鄴還洛河間王顥遣張方將三千騎奉迎將渡河橋方又以新乘陽燧車青蓋三百人為小鹵簿迎帝至邛山下 又曰王浚都督幽州和演欲殺浚并其眾演與烏丸單于審登謀之於是與浚期遊薊城南青泉水上薊城內西行有二道演浚各從一道演與浚欲合鹵簿因而圖之值天暴雨兵器露濕不果而還單于於是與其種人謀曰演圖殺浚事垂克而天卒雨使不得果是天助浚也違天不祥我不可久與演同乃以謀告浚浚密嚴兵夜與單于圍演演持白幡詣浚降浚遂斬之 隋書曰晉氏

鹵簿御史輅車行中道 晉禮志曰元帝大興中詔左
右衛及諸營依大習儀作鴈羽仗 晉載記曰石季龍
常以女騎一千爲鹵簿皆著紫綸巾熟錦袴金銀鏤帶
五采織成鞞遊於戲馬觀上安詔書五色在木鳳之口
鹿盧迴轉狀若飛翔焉 宋書曰宋劉韞字彥文歷湘
雍二州刺史令畫工圖鹵簿羽儀常自披說以示蔡興
宗興宗佯不知指韞所畫形云是誰韞曰是我也其庸
如此 齊書曰虞棕選太子右率永明八年大水百官
戎服救太廟棕朱衣乘車鹵簿於門外入行馬內驅入
被奏見原 又曰陳顯達建武世心懷不安深自貶退

車乘朽故導從鹵簿皆用羸小 南史曰朱异起宅於
陂窮工采麗日來酣飲其中每迫曛黃慮臺門將闔乃
引其鹵簿自宅至城使捉城門停留管籥 又曰呂僧
珍爲兗州刺史姊適于氏住市西小屋臨路與列肆雜
僧珍常導從鹵簿到其宅不以爲恥 唐六典曰隋大
業初屬車八十一乘三年帝嫌其多問閭毗毗曰此起
於秦遂爲後式宋孝建時議準旂旒之數設十二又令
憲章往古大駕依秦法駕依漢小駕依宋帝曰大駕宜
三十六法駕宜用十二小駕除之可也 唐書曰太宗
貞觀元年十一月始加黃鉞車豹尾車通爲屬車十二

乘以為儀仗之用大駕行幸則分前後施於鹵簿之內
若大陳設行則分左右施於儀仗之中 又曰元宗開
元十一年冬祀南郊乘輅而往禮畢騎還由是行幸郊
祀皆騎於儀仗之內其五輅要月輿陳於鹵簿而已
宋志曰太祖皇帝建隆四年將郊祀大禮使范質與鹵
簿使張昭儀仗使劉溫叟同詳定大駕鹵簿之制禮儀
使陶穀建議金吾及諸衛將軍導駕及押仗舊服紫衣
請依開元禮各服本色繡袍舊執仗軍士悉衣五色畫
衣隨人數給之有無準式請以五行相生之色為次黑
衣先之青衣次之赤黃白又次之又大駕五輅各有副

車近代寢廢請依令文增造又按明宗舊圖導駕三引
而儀仗法物人數多周太極鹵簿六引而人數少請準
令文用六引其鹵簿各依本品以給從之 又曰乾德
三年蜀平命右拾遺孫逢吉收偽法物之不中度者悉
毀之始令改畫衣為繡衣至開寶三年而成謂之繡衣
鹵簿其後郊祀皆用之軍衛羽儀自是寢盛其後令有
司以絹畫為圖凡三幅中車輅六引及導駕官外兩幅
儀衛其警場青城又別為圖圖成以藏祕閣凡仗內自
行事官排列執掌并捧日奉宸散手天武外步騎一萬
九千一百九十八人此極盛也 宋會要曰仁宗景祐

五年侍講賈昌朝言儀衛三事一曰南郊鹵簿車駕出宮詣郊廟日執毬杖迎至齋宮唐世以資玩樂宜徹去二曰大駕鹵簿有羊車前列本漢晉乘於後宮遂爲法從宜改革三曰鹵簿儀衛五使略行按閱先後失序名物差互請於致齋前詳視詔禮儀使宋綬與太常禮院同詳定以奏綬等言羊車按劉熙釋名隋禮儀志漢代已有自唐至今著禮令宜仍舊其鹵簿儀仗南郊前五日預閱素隊使之齊肅從之又去誕馬鞍韉用纓輿緋緹旛麾以小篆易隸字六引朱團扇用雜花大駕用盤龍重定戟鉞小戟重制雉尾扇襍稍及叉又仁宗康定

元年宋庠上言車駕行幸非郊廟大禮具陳鹵簿外其常日導從惟前有駕頭後擁繖扇而已殊無前典所載公卿奉引之盛其侍從及百官屬下至廝役皆雜行其道中步輦之後但以親事官百餘人執搨以殿謂之禁衛諸班勁騎頗與乘輿相遠而士庶觀者率隨扈從之人夾道馳走喧呼不禁所過有旗亭市樓垂簾外蔽士民憑高下瞰莫爲嚴憚邏司街使恬不可止威令弛闕玩習爲常非所謂旄頭先驅清道後行之慎也且自黃帝以神功盛德猶假師兵爲營衛則防微禦變古今一體案漢魏已降有大駕小駕至唐又分殿中諸位黃麾

等仗名數次序各有施設國朝承五姓荒殘之弊事從簡略每鳴鷲游豫盡去戈戟旌旗之制儀衛寡薄頗同藩鎮此皆制度放失憚於改作之咎謂宜委一二博學近臣討繹前代儀注及鹵簿令以乘輿常時出入之儀比之三駕復酌取其中稍增儀物具嚴法禁上以示尊極下以防未然革去因循其在今日詔太常禮院與兩制詳定遂合奏諸班直禁兵步騎為禁衛仍舊數復增清道馬百佩弓矢為五重騎而執罕翼者一騎而執牙門旗前後四騎而執緋繡鳳斃二十四雉扇十有二皆分左右天武兵徒行者執柯舒親從兵增其數為三百

殿前指揮使增為二百並騎左右相對開二門間容二丈以擬周禮之人門凡前牙門旗後牙門旗前為禁衛禁乘高下瞰垂簾外蔽夾道喧呼馳走者頗著于令其後寢弛 又曰神宗元豐元年詳定所言大駕輿輦仗衛儀物兼取歷代訛舛苟簡不足為法詔令更定於是去二十八宿五星攝提旗所繪人形及龍虎僊童大神金黃鸚鵡網子騰蛇神龜等旗及拂翟 又曰哲宗元祐七年十一月南郊蘇軾為鹵簿使導駕內中紅車爭道亂行軾於車上草奏明日敕有司嚴整仗衛自皇后以下皆不復迎謁中道 宋志曰徽宗政和七年兵部

尚書蔣猷言陛下稽古制禮大輅之乘元戎之旗六引之名與車導駕之官與服革而新之多矣宜命有司取天睥圖記考正詔改修宣和元年書成凡人物器服盡從古制飾以丹采三十有三卷目錄二卷名宣和重修鹵簿記

鹵簿三

增四馬 八乘 唐六典漢官儀鹵簿篇太 出幄 踐

後帝王之居外則飾周飾內則重禁門將行則設兵而引遮列而後轉戒謹室而後息駕 鳳蓋 虹旗 鳳蓋 委虹旗 壽犀 蒼虬 犀奔星舞於旗旂行月旋於羽旅壽

游乎 天響 離荆羊 瓊鋃 金根 瓊鋃流景 金根照塗 夔獬 荆羊 梢夔獬 以護野

庚大丙 五老 八神 五老翼策 八神 翠鳳 交龍

矯翠鳳於黃屋 六鑿 八駮 揚六駮 入駮 月御 星驅

星御 羲和 頽倫 頽倫奉輿 日 七萃 九旂 七萃

雲梢 以清塵命山靈而護野 扈帶 蛟函 首騎鬣頭

魚麗 和植表箕張翼舒 碧輦 瓊干 碧輦駢龍

受轡 翼軛 招搖翼輻 風馭 雲螭 拭翠鳳之駕開

鐘發雷輻 辨格澤之修竿決河漢之淋漓赤松前驅 祖後馳方明夾轂昌寓侍衣山靈秉鉞而踉蹌海若護儀飾部

先後必分道而趨左
右爭道而闕有死者

河南尹奉引

大將軍驂乘俱

鹵簿四

原伍帝雞翹漢宮儀鹵簿敘云祭南郊乘大駕奉引如故伍帝雞翹前後諸車悉行按祭邕獨斷云天子所乘曰金根車駕六馬五色安車五色立車皆一車四馬是為伍時副車俗號之伍帝車又云鑿

旗車編羽毛引繫帷旁俗名雞翹**九旒雲罕**獨

罕鳳皇闔戟皮軒**屬車三十六**獨斷云奉車郎御屬

堂則省**屬車八十一**簿一屬**羽蓋金華黃屋左纛**獨

云凡乘輿車皆羽蓋金華爪黃犀**金鍠方鈿繁纓重**張衡東京賦云左纛金鍠方鈿繁纓重

轂上詳**結飛雲之袷輅樹翠羽之高蓋**張衡東京賦云結飛雲之袷輅

樹翠羽之高蓋建辰旒

殿未出乎城闕旆已反乎郊

之太常紛聽悠以容裔
陳肅肅習習隱隱麟麟

鹵簿五

增詩元吳萊觀宋綬景祐鹵簿圖詩曰東朝盛文物四海極豐富粉飾郊祀間驅馳漢唐舊奉常夙有掌鹵簿列前後車軫麾飛黃戟眉服錯繡啓肱龍虎動扈衛駕鷺造嗟峨屹丘岳灼燿羅星宿陳兵吉利隊擇馬駒駘廐嚴須呵八神喜欲抃百獸祖宗所繼承宇宙遍包覆上公敬執籘天子親獻酎靈光旂旗林綽典禮樂囿威儀一以整瑣碎無不究時惟正垂拱國幸息戰鬪玉策

儀師部

司盈負白卷三十一

鹵簿

恐人聞帛書疑鬼授紛紜務欺阿制作窮剝鑊老幼咸
駿犇穹祗總歆臭中誠迺根本外貌特膚腠封寧重礮
繩饗或貴型餽居安昧危機致治啓亂實文華終耗財
武弱益招寇雖然喧一朝孰得燕未甯五輅忽已沒三
京杳難救惜其初討論盍不返樸陋臨風披此圖歎息
我似綬

增**賦**漢揚雄甘泉賦曰廼命羣僚歷吉日協良辰星陳
而行詔招搖與泰陰兮伏鈞陳使當兵屬堪輿以辟
壘兮捐夔臚而扶獠狂八神奔而警蹕兮振殷轡而軍
裝蚩尤之倫帶干將秉玉戚駢羅列布魚頰而鳥眈乘

輿乃登夫鳳皇兮而翳華芝駟蒼螭兮六素蚪蠖略蕤
綏灘凜慘纚帥爾陰閉霄然陽開騰清霄而軼浮景兮
夫何旗旒邛偈之旖旎也流星旄而電燭兮咸翠蓋而
鸞旗屯萬騎於中營兮方玉車之千乘聲駢隱以陸離
兮輕先疾雷而馭遺風集禮神之圃登頌祗之堂建光
耀之長旃兮昭華覆之威儀風從從而扶轄兮鸞鳳紛
其銜蕤

增**志**隋志曰卓彼上天宮室混成元戈居其左上將居
其右弧矢揚威羽林置陳天垂象暉人則之軒轅以師
兵爲營衛至三代其儀大備漢武上甘泉則列鹵簿車

於天資衣用漣濯器御質素齊官無三服之獻織室罷
纂組之工顧於羽衛乃顯設藩飾如此得無意乎蓋恭
儉者帝王之盛德也備羽衛者國家之上儀也在漢孝
文殿設書囊之帷身以敦朴為先及其詔令則曰鸞旗
在前屬車在後儀物明盛猶可想於千載之下然則瞍
人所以奉已與華國者固自殊轍也耶是以知藝祖之
意有在也列瞍繼承制作益詳曰大駕曰法駕曰鸞駕
曰黃麾仗或施之躬郊或用之封祀或設之朝覲其多
寡有差其先後可序揆厥所元皆自繡衣啓之貽謀垂
裕永永無極肆皇帝陛下紹復祖宗之大業迺紹興十

有三年築壇南郊共祀天地鹵簿之制實纂乾德至於
歲用癸亥則視建隆初郊之歲若合符節屢觀簡冊未
之攸聞蓋莫為於前無以彰異時創業之功莫繼於後
無以知中興之治是不可以不特書也

增序宋宋綬景祐鹵簿圖記序曰古者黃帝氏創軒冕
之容列營衛之警輿駕儀物蓋本於此唐堯彤車有虞
鸞和夏后之綏商人之輅周官有司掌巾車之職虎賁
旅賁之從三五之際其所由來尚矣秦并六國兼屬車
九九之數漢上甘泉備千乘萬騎之衆自時厥後損益
可知歷李唐之艱屯接五代之卑替風流文物蕩然罕

游錄卷之三
餘我藝祖挺神武之姿膺樂推之運靈斷電埽王略載清綿叢示天子之尊黃屋削諸侯之僭始議郊饗即諏典文宰司儒臣討求揚摧補緝漏目崇飾新規扞衛既雄羽儀兼備初吏士所服皆用畫帛被襲且久汗蠖不鮮乃命易以厚繒加之文繡采綵相錯煥乎一時若繼代相傳洎代國所得於古戾者必禡去其制朴者必增華自是天時報功洛壇拜貺遺老嗟覩舊章頓還二宗繼猷慎守不則柴泰兆耕東廩篆石仙閣蕤牲汾潁順風訪道案歷上陵巡祭便蕃威容震耀羽旄輿馬咸慰夫東西人之望焉在昔蔡邕十意首著車服之目范曄

緒成其事史官頗續此作其旁記別錄又有董巴徐廣周遷數家中朝江左亦嘗圖鹵簿至道中詔翰林承旨宋白與內侍畫郊丘仗衛緘在祕府景德中資政殿學士王欽若上鹵簿記三卷敕付太史蓋古今之論其詳可得而觀皇上紹庭正統恭巳中宸睿德天成而日躋洪化火馳而風偃崇儒嚮學文之經也講兵訓士武之緯也奉先登侑禮之大也度曲接神樂之廣也包文武以居業總禮樂而播憲則清光景鑠可臆度而遽數哉粵再郊之明年命華光侍臣圖寫大簿是時臣充儀仗使督攝容衛以太僕奉車承被顧問官府之事得以

洪金英曰卷三十一
周知乃與侍讀馮元侍講孫奭議曰前二圖書寫形紀事不相參會蓋象設而又文陳乎由是著為圖記一篇名物夥多但續其居首者非有小異不復重出先標其形制後載其因造有未周盡復具於末篇別依兵部字圖畫橫幅其軸織悉無漏合丹青而不亂非見聞之異辭天行星陳莫斯為盛嘻夫聖人制情之動防民之踰為之辨貴賤名物之數著陟降進止之節訓之以物則顯之以器數方軫圓蓋以觀法象鏤錫辰旂以昭聲明寢兕持虎以養其威升龍左纛以副其德天下尊之百官奉之邪心弗萌亂源以消非謂尚文貌之繁矜紛華

之飾我后之置圖自正觀古作鑿者其是之謂歟歲在戊寅燔祀有期敕內省副鑒監逮屬艱難常從領護其屬重飾帝車爰及法物並加釐正詢博士之論擇國工之工巧惟藻綯臻夫典美臣又適分使節專職禮儀因念曩編宜益今制而名標天駉事從景祐義則非順理當改為輒取近所修正各附其下他即如舊仍以新改之初元冠其篇題表一王而大居正也薦塵衡石之覽將謹名山之藏庶幾禔中經丙部之餘為官注一家之說耳

警蹕一

儀飾部

刑盤頤函卷三十一

鹵簿 警蹕

正

增周禮曰夏官隸僕掌蹕宮中之事蹕止行者又曰師氏
 掌以媿詔王告王以善道也使其屬帥四夷隸各以其兵服守
 王之門外且蹕**原**又曰鄉士各掌其鄉之禁令帥其
 屬夾道而蹕**增**衛宏漢舊儀曰皇帝起居儀官司馬
 內百官所傳按籍而後出入營衛周廬晝夜誰何殿外
 門屬衛尉殿內郎舍屬光祿勳黃門鈞盾屬少府輦動
 則左右帷幄者稱警車駕則衛宮填街騎士塞路出殿
 則傳蹕止人清道建五旗丞相九卿執兵奉引先置索
 清宮而後往所以重威防未然也**文獻通考**曰唐制
 天子升路太僕卿授綏侍中中書令以下夾侍黃門侍

郎前奏請法駕動警蹕鼓傳音黃門侍郎前奏請發鑿
 駕動警蹕鼓傳音黃門侍郎與贊者夾引而出

警蹕二

增史記曰漢文帝過渭橋有一人橋下走出乘輿馬驚
 捕屬之廷尉曰縣人來聞蹕聲匿橋下久之出見車騎
 即走耳廷尉張釋之奏此人犯蹕當罰金**原**漢書曰
 梁孝王武實太后少子愛之得賜天子旌旗從千車萬
 騎出稱警入言蹕擬於天子**增**又曰上官桀與燕王
 詐上書奏霍光道上稱蹕**原**又曰長樂宮成皇帝輦
 出百官執戟傳警列諸侯王以下**東觀漢記**曰鉅期

字次况王郎檄書到薊光武趨駕出百姓聚觀遮路不得行期騎馬奮戟瞋目大呼左右曰蹕衆乃披靡王郎滅期說光武即位帝曰卿欲遂前蹕耶 又曰楊秉諫桓帝曰王者至尊出入則警蹕而行 續漢書曰建安二十二年命魏王建天子旌旗出警入蹕 蜀志曰許靖與曹公書云昔營丘翼周仗鉞專征博陸佐漢虎賁警蹕 晉安帝紀云桓元至京都警蹕不絕於音

警蹕三

原夾道 出殿俱詳警 **增罰金** 詐奏俱詳警 更山 掌事唐書曰太宗克遼東發北山更曰 出入周禮宮正掌邦之事蹕

備永

唐書孫伏伽曰出警入蹕 侯景借位以名景而言警蹕不祥改為備蹕 又改為永蹕

警蹕四

增賜梁王 命魏王 漢宮執戟 博陸虎賁俱詳警蹕二

原叫呼而行

莊子云警蹕叫呼而行世俗之所謂富貴也 按叫音教俗作叫非 不

絕於音詳警蹕二

節一

增釋名曰節者號令賞罰之節也 說文曰節信也象

相合之形 書曰越小臣諸節 **原禮記**玉藻曰凡君

召以三節二節以走一節以趨注急則持二緩則持一

周禮曰掌國貨之節以聯門市注發司市為之鑿節自

儀飾部

附監頌衣卷二百六十七

節

后

外來者按其節書其貨之多少也又曰地官司市掌市之治教政

刑量度禁令凡通貨賄以璽節出入之又曰地官大

司徒若國有故令無節者不行於天下又曰掌節

中士二人掌守邦節而辨其用以輔王命守邦國用玉

節鄭注云謂諸侯之國中亦目為節以輔之守都鄙用

角節公卿大夫王子弟於其采邑凡邦國之使節山國

用虎節土國用人節澤國用龍節皆金也以英蕩輔之

山多虎平地多人澤多龍以金為節鑄象焉必自以其

國所多者於以相別為信以英蕩輔之所以盛節也蕩

竹也英蕩畫函也門闕用符節於守關者凡使遠出至

明者司門為之節由闕者司關資賄用璽節貨賄者主

為之節符節如今宮中詔符

必由市或資於民家道路用旌節道路主治五塗之官

璽節今之印章也有民者旌節如今之使者所擁是也皆有期以反節凡

通達於天下者必有節以傳輔之無節者有幾則不達

又曰秋官小行人達天下之六節山國用虎節土國

用人節澤國用龍節皆以金為之道路用旌節門關用

符節都鄙用管節皆以竹為之注前掌節畿內也此邦

侯使臣所執旌符管在國所用小行人達諸侯又

曰野廬氏掌達道路凡有節者至則為之辟又曰修

閭氏唯執節者不幾又曰掌交掌以節巡邦國又

曰地官調人凡和難弗辟則與之瑞節而以執之注瑞

儀飾部

瑞節

節

璽

圭也。和之而不肯辟者不從。王命也。王以刺圭使調人執之。又曰春官典瑞注珍圭牙璋穀圭琬圭琰圭王使之瑞節也。人節虎節諸侯使人之瑞節也。又曰秋官大行人王之所以撫萬邦諸侯者十有一歲達瑞節同度量。周語內史過曰爲車服旗章以旌之。摯幣瑞節以鎮之。班爵貴賤以列之。令聞嘉譽以聲之。晉禮志曰漢魏故事遣將出征符節郎授節鉞於朝堂。其後荀顛等所定新禮遣將御臨軒尚書授節鉞。依古兵書跪而推轂之義也。晉令曰使信節皆烏書之。隋天文志曰畢南八星曰天節使臣所持也。天文要集曰天節星主奉使小而明則使

中正。唐六典曰漢因秦置符節令丞屬少府。又曰周有掌節之職。漢有符節之令。後漢符節令位次御史中丞。別爲一臺。令一人爲臺。率屬少府。睦孟張敬蔡衍爲之。又曰晉武帝泰始元年置符節御史。又曰北齊御史臺領符節署。又曰旌節之制。命大將帥及遣使于四方。則請而假之。旌以顯賞。節以顯殺。唐百官志曰符寶郎凡命將遣使皆請旌節。有主節四人節度使辭曰賜雙旌雙節。行則建節植六纛。入境州縣築節樓迎。以鼓角罷秩。則鑰節樓節堂以節院使主之。唐三朝志曰旌節唐天寶中置。凡命節度使有司給門旗二旌。

一節一麾槍二豹尾二金節隋制也黑漆竿上施圓盤
周綴紅綜拂八層黃繡龍袋籠之王公以下皆有節制
同金節韜以碧油韓文曰旌節有韜豹尾神旗橐兜
戟纛令狐楚曰旌惟進善節以詰姦柳宗元平淮
夷雅曰金節煌煌賜盾雕戈犀甲熊旂威命是荷

節二

原左傳曰宋襄夫人殺襄公之孫孔叔公孫鍾離及大
司馬公子邛皆昭公之黨也司馬握節以死司城蕩意
諸來奔效節於府人而出**增**又曰秦西乞術來聘曰
不腆先君之敝器致諸執事以為瑞節公羊傳曰齊

景公謂陳乞曰吾欲立舍何如陳乞曰君欲立請立之
陽生謂乞曰聞子將不立我也陳乞曰夫千乘之主將
廢正而立不正必殺正者吾不立子者所以生也與之
玉節而走之**原**呂氏春秋曰墨者田鳩欲見秦惠王

留三年而不得見客有言之於楚王乃往見楚王王悅
之與將軍之節以如秦至而得見出而告人曰吾不識
秦之道乃當由楚也物固有近之而遠遠之而近**增**
史記曰漢呂太后崩諸呂欲為亂平陽侯竈馳告陳平
周勃勃欲入北軍不得乃令襄平侯紀通持節矯納勃
北軍復令酈寄語呂祿解印以兵授勃又曰袁盎使

吳吳王囚之盜解節毛懷之遂歸報吳楚已破 漢書
曰太尉周勃以一節入北軍一呼士皆袒左爲劉氏
原又曰劉章已殺呂產帝令謁者持節勞章章欲奪節
謁者不肯章乃從與載因節信馳斬長樂衛尉呂更始
還入北軍復報大尉勃起拜賀章曰所患獨產今已
誅天下定矣 **增**又曰吳王反周丘者下邳人亡命於
吳酗酒無行王薄不任周丘乃上說王曰臣以無能不
得待罪行間臣非敢求有所將也願請王以一漢節必
有以報王乃與之周丘得節夜持入下邳至傳舍召令
斬之遂召昆弟所善豪吏一夜得三萬人 又曰眭弘

武帝時爲符節令 又曰漢汲黯以便宜持節發河內
倉粟 又曰漢司馬相如建節往使 **原**又曰戾太子
誅江充初漢節純赤以太子持赤節故更爲黃旄加上
以相別 **增**荀悅漢記曰征和二年長安擾亂言太子
反任安受太子節懷二心腰斬 漢武內傳曰西王母
降殿前有五十大仙童執綵旄之節 又漢書曰武帝
天漢中東方盜賊滋起攻城邑取庫兵釋死罪殺二千
石道路不通上乃使光祿大夫范昆故九卿張德等衣
繡衣持節發兵以興擊 **原**又曰蘇武使匈奴單于欲
降之幽武置大窖中絕飲食天雨雪武臥齧雪與旃毛

儀飾部
尉監領函卷三百六十二
節

并咽之數日不死匈奴以爲神乃徙武北海無人處使牧羊武仗漢節牧羊臥起操持節毛盡落積五六年 又曰建元三年闔越舉兵圍東甌東甌告急上遣嚴助以節發兵會稽會稽太守欲不爲發兵助乃斬一司馬遂發兵浮海救東甌 又曰張騫使月氏匈奴得之留騫十餘歲與妻有子然騫持漢節不失 又曰諸葛豐琅邪人爲司隸校尉侍中許章以外屬貴幸奢淫賓客犯事與章相連豐適逢許侍中私出駐車舉節欲收之章馳入宮門自歸於上豐亦上奏於是收豐節司隸去節自豐始 又曰漢使王烏等窺匈奴匈奴法漢

使不去節不以墨黥其面不得入穹廬王烏北地人習胡俗去其節黥面入穹廬單于愛之 增又曰漢昭帝始元元年遣王平等五人持節行郡國 又曰漢宣帝本始元年遣使者持節詔郡國二千石謹牧養民而風德化 又曰王莽篡位使尚書勅司命孔仁乘乾車駕坤馬左蒼龍右白虎前朱雀後元武右仗威節左負威斗號曰赤皇非以驕仁乃以尊新室之威命也仁擅免天文冠大不敬有詔勿劾更易新冠 續漢書曰光武行大司馬事持節北渡河 又曰鮑永爲更始大將將兵安集河東赤眉殺更始三輔道絕世祖即位遣諫議

大夫儲大伯持節徵永疑為不審收繫大伯封節傳舍
辟中遣人持至長安知更始審亡乃發喪出降 又曰
溫序字次房遷護羌校尉為隗囂別將荀宇所拘劫序
素氣力大怒叱宇等曰汝何敢迫脅漢將以節搃殺數
人宇曰此義士可賜以劍序受劍銜鬚於口顧左右曰
既為賊所迫殺無令鬚汚血遂伏劍而死 原東觀漢
記曰光武使吳漢收謝躬令岑彭助漢為方略上以常
所自持節授岑彭 又曰鄗丹為更始諫議大夫持節
使南陽安集受降更始敗丹無所歸節傳以敝布纏裹
節解節夜行求謁更始妻子奉還節傳因歸鄉里 又

曰永平中遣鄭眾使北匈奴眾因上書言臣前奉使不
為匈奴拜單于恚恨放兵圍臣今復銜命必陵折臣臣
誠不忍將大漢節對羶裘拜如令匈奴遂能服臣將有
損大漢之強上不聽眾不得已既行後果為匈奴所殺
獻帝春秋曰太傅馬日磾假節巡撫州郡袁術在壽
春借節觀之因奪不還日磾失節憂恚而卒 後漢書
曰董卓謂袁紹曰劉氏種不足復遺紹勃然曰天下健
者豈惟董公橫刀長楯徑出懸節於上東門而奔冀州
權魏書曰鎮北將軍劉靜卒朝廷以許允代靜已受
節傳出止外舍大將軍與允書曰鎮北雖少事而都典

一方念足下震華鼓建朱節歷本州此所謂著繡畫行也允心甚悅 又曰桓範黃初中爲洛陽典農中郎將使持節都督青徐諸軍事至下邳與徐州刺史鄒岐爭屋引節欲斬岐爲岐奏坐免 吳書曰婁圭字子伯初依劉表後歸曹公向荊州表子琮降以節迎曹公諸將皆疑曹公以問子伯子曰天下擾攘皆貪王命以自重今以節來至誠公善之 晉書曰晉武帝伐吳杜預進攻江陵克之於是沅湘以南接於交廣州郡皆望風送上印綬預仗節稱詔而撫綏之遂指授羣帥徑造建業吳主皓降 又曰石苞遷徐州刺史文帝之敗於東

關也苞獨全軍而返帝指所持節謂苞曰恨不以此節授卿以究大事 又曰京師危逼王澄率衆將赴國難而飄其節柱 又曰晉江州都督何無忌討徐道覆遇於豫章賊令強弩數百登山邀射乘風暴急以大艦逼之衆遂奔潰無忌厲聲曰取我蘇武節來節至執以督戰賊衆雲集遂握節而死謚忠肅 又曰段匹磾降石勒常著朝服持晉節勒亦不問 晉永昌起居注曰元帝使司空王導拒王敦詔曰以我征東時節給司空 又晉書曰陶侃討蘇峻王導出奔峻平導入石頭城令取故節侃笑曰蘇武節似不如是導有慙色 梁書曰

韋叡攻魏小峴城未拔城中忽出數百人陣於門外叡欲擊之諸將遲疑叡指其節曰朝廷授此非以為飾韋叡之法不可犯也乃進兵敗魏兵急攻其城中宿而拔唐書曰穎王璠為劍南節度大使時元宗將幸蜀璠赴藩卒遽不遑受節或設假大槩油囊蒙之璠曰但為真王何用別節 宋史曰紹興三年賜劉光世兩鎮節度使印及別賜寧國軍旌節 又曰紹興三十二年孝宗詔藩邸旌節迎詣天章閣安奉

節三

增 明信 發兵 上詳節一 八尺 三重 後漢書注曰

旄 以竹為之長八尺以旄牛尾為旄三重 輔王命 建軍威 上詳節一 東漢馮衍與

威 豈持寵以八節之竹斄牛之尾哉 尚黑色 加黃 旄 秦始皇推始終五德之運以為水德之始衣 原 授 服旌節皆尚黑色數以六為終 下詳節二

岑彭 仗蘇武節 俱詳 劉章奪 王機求 上詳節二 晉中興書曰

王機 廣州人孫刺史郭訥迎機為刺史訥乃持節出避 之機 入城就訥求節答曰天朝所假等威義不相與自 可遣兵來取 錦車持 敝布纏 主使者馮嫫能史書

習事 嘗持漢節為公主使行賞賜於城郭諸國敬信之 號曰馮夫人為孫右大將妻右大將與烏就屠相愛 都護 鄭吉使馮夫人說烏就屠以漢兵方出必見滅不 如降 烏就屠期門甘延壽為副送馮夫人自問狀遣 謁者 竺次屠諸長羅侯赤谷城立元貴靡為大昆彌烏 節 屠為小昆彌賜 羅侯赤谷城立元貴靡為大昆彌烏 就屠 為小昆彌賜 羅侯赤谷城立元貴靡為大昆彌烏 印綬 為小昆彌賜 羅侯赤谷城立元貴靡為大昆彌烏

儀飾部 詳節一 辛毗制軍 苟晞斬弟 蜀漢諸 儀飾部 詳節一 辛毗制軍 苟晞斬弟 蜀漢諸

魏數挑戰司馬懿不出乃遺以巾幗婦人之服懿怒上
表請戰魏主顧使衛尉辛毗仗節為軍師以制之姜維
謂亮曰賊不復出矣亮曰彼本無戰情所以固請者以
示武於眾耳後亮挑戰毗仗節立於軍門懿不得出軍
斬之從母叩頭流血請之不能得已乃素服哭之曰斬
弟者苟道將也

節四

增虎人龍

旌符管

玉角壘

俱詳一節

原行道所執

禮周

鄭注云節信也使卿大夫聘于
天子諸侯行道所執之信也
無忌參軍何馬殷曰釁子敢爾取節來殷猶傲然謂何
曰朝廷授將軍三千羸卒杖節以滅蠻獠寧令妄自
尊大握節以死公子印何無
耶大握節以死公子印何無
破挂林賊還遇王機於道機勸取交州發素有是
執機節曰當相與迭持何可獨提機遂以節與之於是

機與敬及溫劬劉沈等
並反皆為陶侃所殺

增命取故節

詳節二

亡所持

節 烈戰於安州大敗亡其所持節

便宜發粟

詳節二

輒取投火 唐李晟收復京城朱泚亡走至涇州其黨田
何臨危相負使焚其門希鑿輒取投火中曰

還汝節 此眾大哭北走其將韓旻斬泚以降

原封節

置塞上 漢書南越傳云韓千秋封漢使節置塞上

懸節於東門 **增**仗節造建業 授節拔峴城

俱詳二節

節五

增詩唐杜甫詩曰主恩前後三持節軍令分明數舉杯

又曰崆峒使節上青霄 李白詩曰十年持漢節

儀飾部

增節部

節

增

原表梁元帝遷荊州輸江州節表曰周有掌節之職漢有符節之令所以子孫慷慨忠肅勤王無絕終古有高前載臣自擁麾鶴塞執茲龍節幸逢銀山自溢玉燭調年雖免茂弘之譏竟微辛毗之勇

增記唐劉三復滑州節堂記曰受脈之日掌節者以王命傳信俾先啓行至則考善地庇豐屋麾旆以翼之歌鐘以樂之非征伐宴犒申威行令未嘗出

黃鉞一

原說文曰鉞大斧也本作戊夏執元戊殷執白戚周左杖黃鉞右把白旄 尚書曰王左杖黃鉞右秉白旄以

麾 **禮記**曰賜鈇鉞然後殺 又曰軍旅鈇鉞者先王之所以飾怒也 淮南子曰國有難召將詔之曰社稷之命在將軍身今國有難願子將而應之將軍受命乃令祝史太卜齋三日之太廟鑽靈龜卜吉日以授旗鼓君入廟門西面將趨至堂下北面立王親操鉞持頭授將軍柄曰從此上至天者將軍制之又復操斧持頭授將軍柄曰從此下至淵者將軍制之 晉輿服志曰中朝大駕鹵簿中有黃鉞車 **原**傳元三都賦曰建黃鉞以禦姦 **增**唐儀衛志曰乾德儀仗名物屬車十二有黃鉞豹尾車 又輿服志曰鉞黃帝所造塗以黃金

行則載以車可以斬戮 唐六典崔豹古今注曰金斧
黃鉞鐵斧元鉞三代通用之以斷斬今以黃鉞為乘輿
之飾元鉞諸王公得建之武王以黃鉞斷紂頭故王者
以為戒太公以元鉞斬妲己故婦人以為戒漢制諸公
建元鉞以太公助武王斷斬故為諸公之飾大將出征
特加黃鉞以銅為之黃金塗刃及柄不得純金也 徐
爰釋疑略注曰豹尾黃鉞金釘舊載馬車晉江左乘馬
執之宋元嘉中復舊典 文獻通考曰黃鉞車唐備於
大駕鹵簿天寶初改為金鉞車宋制赤質曲壁中設金
鉞錦囊網杠左武衛隊正一人在車中執鉞

黃鉞二

增周書曰武王陳師牧野既誓以馳商師大崩商辛自
燔於火王斬之以黃鉞懸諸大白 **原**淮南子曰至精
之感無所不通昔武王渡孟津而陽侯之波逆流而擊
疾風晦冥武王舉黃鉞瞋目而麾之曰予在天下誰敢
害吾意者於是風去而波罷遂得濟 吳錄曰假陸遜
黃鉞吳王親執鞭以見之 世說曰諸葛亮之次渭濱
也關中震動魏明帝深懼晉宣王戰乃遣辛毗為軍司
馬宣王既與亮對渭而陳亮說誘詭譎萬方宣王果大
忿憤將應以重兵亮遣間諜覘之還曰有一老夫毅然

仗黃鉞當軍門立軍不得出亮曰必辛佐治也 **增**晉
公卿禮秩曰太尉賈充河間王顥梁王彤司徒王衍汝
南王亮太傅楊駿東海王越義陽王望齊王攸琅邪王
佃東平公苟晞皆假黃鉞 晉書曰石勒王彌寇京師
以王衍都督征諸郡持節假黃鉞以伐之 **原**晉中興
書曰會稽王道子進位丞相牧揚州假黃鉞 **增**齊書
曰高帝輔政王儉議加黃鉞任遐曰此大事應報褚公
也 **彥**回 帝曰褚脫不與卿將何計遐曰彥回保妻子愛性
命非有奇才異節遐能制之果無違異

黃鉞三

元戎 白威 俱詳黃 **增**金刃 錦囊 禦姦 飾

怒 鹵簿車 乘輿飾 俱詳黃 **原**管仲執 王尋亡
周王烈曰管仲執齊鉞 漢書王莽傳曰司徒王尋初
發長安宿羈昌廢亡其黃鉞尋士房揚素狂直乃哭曰
此經所謂喪其資斧者也

黃鉞四

原行天罰 楚辭曰后辛之菹醢兮殷宗用之不長注言
殷宗遂絕 喪資斧 詳黃 **操**以授將軍 詳黃 負以

狗諸侯 左傳曰楚子將戮慶封負之斧鉞以狗於諸侯
大夫對反曰無或如楚共王之子 其君弱其孤以盟其
圍殺其君之子而自立以盟諸侯

黃鉞五

儀飾部 州監領 卷三 頁廿七 黃鉞

增銘漢蔡邕黃鉞銘曰孝桓之季年鮮卑入塞盜起匈奴左部梁州叛羗逼迫兵誅淫衍東夷高句麗副子百固逆謀並發三垂騷然爲國憂念西府表橋公昔在涼州柔遠能邇不煩軍帥而車師克定及在上谷漢陽連在營郡膂力方剛明集士衆徵拜度遼將軍始受旄鉞鉦鼓之任扞禦三垂公以吏士頻年在外勤於奔命人馬疲羸撓鈍請且息州營橫發之役以補困憊朝廷許之於是儲廩豐饒室罄不懸人逸馬畜弓勁矢利而經用省息官有餘資執事無放散之尤簿書有進入之贏治兵示威戎士踊躍旌旗耀日金鼓雷奮守有山嶽之

固攻有必克之勢羗戎授首於西疆百固冰散於東隣鮮卑收迹烽燧不舉視事三年馬不帶缺弓不收疆是用鏤石作茲鉦鉞軍鼓陳之東階以昭公文武之勳焉銘曰帝命將軍秉茲黃鉞威靈振耀如火之烈公之在位羣狄斯柔齊斧罔設人士斯休

增表梁江淹爲蕭驃騎解嚴輸黃鉞表曰臣某言逆滲電熾凶妖霧舒志大裡天情已類社故乃馳羽江郊鷲燧山甸雖藏智審其黥戮涵識判其奔沮然兵扈難輕義險宜備故膺寵無辭奉鉞不讓今元凶旣殪醜徒自紊朝靄方卷郢氛已廓樂瑄登肆禮衣曳朝不宜復假

殊服取缺彝則輒上還王府永戢祕館

豹尾一

原崔豹古今注曰豹尾車周制也象君子豹變尾言謙也古軍正建之今唯乘輿焉 蔡邕獨斷曰屬車八十有一乘最後一車懸豹尾以前皆皮軒虎皮為之也

增文獻通考三輔黃圖曰大駕屬車八十一乘作三行尚書御史乘之最後一乘垂豹尾豹尾以前皆為省中晉輿服志曰中朝大駕鹵簿內有豹尾車自豹尾後鹵簿盡矣 後魏禮志曰大駕鹵簿前車皮軒闐戟芝蓋雲罕指南後殿豹尾 唐儀衛志曰大駕鹵簿屬車

十二乘有黃鉞豹尾 宋開寶繡衣鹵簿圖曰凡繡文豹尾車以立豹

豹尾二

原漢書曰成帝趙昭儀方大幸每從上祠甘泉常在屬車豹尾中故揚雄賦云屏玉女而却宓妃以懲戒齋肅之事也 曹植獻辭表曰伏知車駕或出臣每馳心豹尾 **增**武昌記曰樊口南百步有樊山孫權獵於山下傍夕見一姥問權獵何所得對云止得一豹姥曰何不豎其尾語竟忽然不見因為立廟以其處樊山神故名曰樊山大姥 **原**晉中興書曰張駿舞六佾建豹尾所

署官一擬王者 增 又曰晉義熙五年劉裕執慕容超

獲金鉦輦豹尾舊式猶存

豹尾三

原後車懸 乘輿建 俱詳豹 昭儀常在 海西忘設

上詳豹尾二 晉中興徵祥說曰海西公初即位忘設

豹尾亦服妖也 豹尾儀服之主人所以豹變也海西

凡庸不可以主社稷故 增 曹植馳心 劉后入夢

忘設豹尾示不能終 齊書曰高昭皇后年十七裴方明為子求

豹尾二 齊書曰高昭皇后年十七裴方明為子求

婚酬許已定后夢見虎有迎車至猶如常家迎法后不

肯去次有迎至龍旗豹尾有異於常后喜

而從之既而與裴氏不成婚竟媿於上

豹尾四

原整豹尾 郭璞南都賦云 整豹尾於後車 監豹尾 晉書曰王敦謀逆

主明帝討之使充鄉人沈禎往吳陳成敗苦勸之充

不納率兵臨發謂妻子曰男兒不整豹尾約不還也

建擬王者 詳豹尾 圍解金吾 應劭漢官儀云豹尾過後

日施於道路豹尾之內為省中故須 戒不虞也

增賦 古賦曰風承豹尾日映鵷冠

增記 宋周必大繡衣鹵簿記曰雞翹豹尾大矯婀娜

增奏 宋紹興三十一年洪邁上言曰天子之出清道警

趨旄頭前驅豹尾後殿其往來馳道與闌出入者皆有

厲禁自六飛時巡務為簡便四孟朝獻前為駕頭後止

曲蓋爪牙拱扈之士步趨離立無復行列觀者接袂不

儀飾部

附錄 卷三十一

聞誰何願詔有司凡車駕行幸從駕禁旅以若干人為一列相去各若干步其乘馬前導者豫上其數有司繪為圖先一日以聞有不如令及不在圖而冒至者糾之令御史覺察

髦頭一

增史記曰昴星曰髦頭 應劭漢官儀曰舊日羽林郎為髦頭放髮驅令但用營士 張衡東京賦曰鬚髦被繡注鬚髦頭背騎也 宋禮志曰按周禮辨載法物莫不詳究然無相風軍網旄頭之屬此非古制明矣 宋乾德儀仗志曰纛本後魏制旄頭之象無文采

髦頭二

原列異傳曰秦文公時有梓化為牛擊之不服或墮地解髻披髮牛畏之入水故秦國置髦頭騎使之先驅 天中記曰終南山有梓樹大數百圍秦始皇惡而與兵伐之輒大風雨飛砂石人皆疾走一人傷寒不能去夜間有鬼來問樹曰秦王使三百人披頭以赤絲繞樹伐汝得無敢乎疾人報秦王案言伐斷中央有一青牛出逐之走入於河於是秦王乃置髦頭騎 摯虞決疑要注云世祖曰髦頭之義何謂也彭權對云秦記曰國有奇怪觸山截水無不崩潰唯畏髦頭故使虎士服之衛

至尊也張華對世祖曰有是言而事不經臣以為壯士怒髦踊衝冠義取於此也

髦頭三

原置騎使驅頭二詳髦賜彊命操東觀漢記曰東海王彊賜虎賁

髦頭宮殿設鐘虞之懸擬於乘輿魏武表虎士服

日陛下復加後命命置髦頭恩禁莫盛於此

熊皮冠上詳髦頭二徐爰釋疑要略注曰乘輿黃

髦頭四

原髦頭劔擬漢書曰宣帝飲酣行祠孝昭廟先驅髦頭

丘賀筮之有兵謀不吉上還是時霍光外孫任宣謀反宜子章夜入廟執戟欲為逆發覺伏誅髦頭

馳還東方朔列傳曰武帝幸甘泉宮長安道中蟲覆而赤髦頭馳還以聞上問朔對曰蟲名怪哉以酒沃之即消此地必秦故獄處也驗之果然

髦頭五

增詩唐李白詩曰安得羿善射一箭落髦頭

增賦古賦曰髦頭先馳屬車齊躅奔星舞於旗游行月

張於羽旛又曰肯騎髦頭虹旃羽旆

增奏宋康定元年參知政事宋庠上言曰車駕行幸自

非郊廟大禮具陳鹵簿外其常日導從唯前有駕頭後

擁扇繼而已其侍從百司官屬下至厮役皆雜行道中

步輦之後但以親事官百許人執搨以殿謂之禁衛諸

儀飾

髦頭蓋

三

班勁騎頗與乘輿相遠而士庶觀者率隨扈從之人夾道馳走喧呼不禁非所謂旄頭先驅清道後行之禮謹望專委一二博學近臣檢討前代儀注增嚴條禁上以示尊極下以防未然

蓋一 繳附

增釋名曰蓋在上覆蓋人也 器物總論曰華蓋乃張帛為之有顏題黃屋天子蓋也曰繳曰傘皆蓋之別稱 通俗文曰張帛避雨謂之繳蓋 漢官儀曰列侯熊軾皂蓋 文獻通考曰漢制皇后駕輅青羽蓋 又曰後漢制公卿乘安車阜繒蓋 晉輿服志曰中朝大駕

鹵簿有高蓋華蓋 晉書王導曰今日臨郡無問賢愚輒有鼓蓋天官混雜 晉天文志曰天圓如倚蓋 輿服志曰皇后法駕乘重翟羽蓋先蠶乘油蓋 又曰晉令三貴人曲蓋九嬪直蓋 文獻通考曰梁御史中丞給方蓋輅形小如傘 後魏禮志曰大駕鹵簿前驅芝蓋 唐儀衛志曰大駕鹵簿儀物有曲蓋華蓋大繳花蓋睥睨之屬 又曰太后皇后儀仗有大繳錦花蓋錦曲蓋太子妃親王一品皆有繳扇曲蓋 宋乾德儀仗志曰緋羅繡曲蓋內臣馬上執之謂之扇篲 晉輿服志曰功曹吏繳扇騎從 金史儀衛志曰太子常行儀

衛金用梅紅羅坐麒麟金浮圖

蓋二

檀崔豹古今注曰華蓋黃帝所作也與蚩尤戰於涿鹿之野常有五色雲氣金枝玉葉於帝上有花蔕之象故因而作華蓋 又曰曲蓋太公所作武王伐紂大風折蓋太公因折蓋之形而制曲蓋焉戰國常以賜將軍自漢朝乘輿用之因謂睥睨蓋有軍號者賜其一焉 左傳曰齊侯伐晉夷儀敝無存死於雷下齊侯謂夷儀人曰得敝無存者以五家免乃得其尸公禭之與之犀軒直蓋 禮記曰仲尼之畜狗死使子貢埋之曰吾聞之

也敝帷不棄為埋馬也敝蓋不棄為埋狗也丘也貧無蓋於其封也亦予之席無使其首陷焉 家語曰孔子將行命使者持蓋既而果雨 又曰孔子將行雨無蓋門人曰商也有之孔子曰商之為人也甚吝於財吾聞與人交推其長者遺其短者故能久也 尉繚子曰吳起與秦人戰僕噉之蓋足以蔽霜露 漢武帝本紀曰元狩三年山東被水災使者分部護冠蓋相望 漢書曰上官桀少時為羽林郎從帝上甘泉天大風車不得行解蓋投之桀奉蓋雖風常屬車雨下蓋輒御上奇其材力焉 漢元后傳曰王商立羽蓋 漢書曰黃霸為

揚州刺史三年帝詔賜車蓋特高一尺以彰有德 **原**續漢書曰靈帝時講武平樂觀建十重五彩華蓋其高十丈建九重華蓋高九丈 漢于定國傳曰于公曰少高大吾門令容駟馬高蓋車 後漢書祭遵傳曰光武東歸過汧幸遵營勞饗士卒作黃門武樂良久乃罷時遵有疾詔賜重茵覆以御蓋 **釋**又曰光武東巡時虞延從駕到魯還經封丘城門門小不容羽蓋帝怒使撻御史延救之乃止 **原**東觀漢記曰段熲遷涼州刺史有功徵熲乘輕車曲蓋朱旂 **增**吳志曰曹休入皖城陸遜破之權令左右以御蓋覆遜 又曰劉基孫權愛

敬之嘗從御樓船時雨甚權以蓋自覆又令覆基餘人不得覆也 又曰賀齊為將性奢侈甲兵器械極為精好所乘船雕刻丹雘青蓋絳檐弓弩矢箭咸取上材 **原**又周泰傳曰孫權會諸將大為酣樂權自行酒至泰前命泰解衣權手自指其創痕問所以起泰輒記昔戰鬪處以對畢使復服歡宴極夜其明日遣使者授以御蓋 **增**文獻通考曰宋孝宗乾道中詔羣臣導從至太廟景靈宮牆並禁治張蓋 宋元嘉起居注曰御史中丞荀伯子奏左衛將軍何尚之公事每罩笠有虧體制建野笠於公門棄華繖而不御 南史曰齊明帝驅使

寒人不得用四幅傘大存儉約 梁書曰王籍爲中散大夫彌日忽忽不樂乃至徒行市道不擇交遊有時塗中見相識輒以笠傘覆面 北史列女傳曰譙國夫人洗氏世爲南國首領撫循衆部隋文帝諭之歸化夫人親被甲乘介馬張錦傘自衛詔使循撫諸州 文獻通考曰宋徽宗政和時詔賜諸王三接青羅繖一皇太子用三簷青羅繖 又曰宋中興後天子出左右道五門各四繖有方繖大繖皆赤質素表朱裏四角銅螭首又曰紹興九年詔後殿射殿引呈公事日景已高作衛青涼繖十從舊制也 元史祭祀志曰世祖至元七年

以帝師八思巴之言於大明殿御座上置白傘蓋一頂用素段泥金書梵字於其上謂鎮伏邪魔護安國刹白後每歲二月十五日於大殿啓建白傘蓋佛事用諸色儀仗社直迎引傘蓋周遊皇城外內云與衆生被除不祥導迎福祉帝及后妃公主於玉德殿門外搭金脊吾殿綵樓而觀覽焉及諸隊仗社直送金傘還宮復恭置御榻上帝師僧衆作佛事至十六日罷散歲以爲常謂之遊皇城

蓋三

原高蓋

曲蓋

高蓋于公事詳蓋二
曲蓋詳蓋一蓋二

增飛蓋

原傾

蓋曹植詩曰清夜遊西園飛蓋相追隨
 蓋注云管仲射小白中其鉤帶小白陽僵鮑叔割指賦
 塗之傾蓋如覆陸機詩曰傾蓋若飛鴻荷蓋
 承華景鮑照詩曰傾蓋兮翠旗鳳蓋
 水車兮荷蓋駕兩龍兮驂蠅增
 後宮乘輅駝登龍舟張鳳蓋建華旗增
 陸百司定列鳳蓋成陰增
 雞人始唱鶴蓋成陰原
 高門旦開流水接軒增
 拂九層原
 之羽蓋增
 二九葩增
 寶蓋來原
 請佛所增
 芙蓉交增
 華蓋周若傳曰紫雲山人周義山子通今會仙人斗
 屋銅門之內以紫雲為蓋增

帝車
 前金花 瑞草文獻通考曰蓋本黃帝時有雲氣
 赤質如織而削編花龍為花鶴之象而作金花蓋導蓋皆
 又有曲蓋差小繡瑞草雙龍翼蓋八驥揚衡
 祥麟翼蓋八驥揚衡雙龍翼蓋八驥揚衡
 雙龍翼蓋八驥揚衡

翠蓋宋玉高唐賦曰簡與元服建雲旆
 簡翠蓋宋玉高唐賦曰簡與元服建雲旆
 京賦曰樹翠羽之高蓋南都賦曰建華旗張翠蓋
 揚雄甘泉賦曰流翠旌而電燭兮咸翠蓋芝蓋
 而鸞旗古賦曰流翠旌而電燭兮咸翠蓋
 云華車輕駕古賦曰流翠旌而電燭兮咸翠蓋
 花與芝蓋同飛揚柳共春旗一色增
 東元朝會賦曰乘羽蓋增
 傅元朝會賦曰乘羽蓋增

儀飾部
 天為蓋無慮以天為蓋以地為車
 日為蓋楚辭曰
 原

以為蓋兮載
女於後車
增錦花蓋
詳蓋

去素蓋何
翻出卷
陰華蓋
潘岳藉田賦曰天子乃御

華蓋重陰
說苑曰田子方渡西
呼登仙
王莽傳曰

河造翟璜
翟璜乘軒車
戴華蓋
呼登仙
王莽傳曰

黃帝時建
華蓋以登
仙
王莽傳曰
呼登仙

金瑤羽葆
載以初
登
仙
王莽傳曰
呼登仙

北史曰後
魏裴亮為
中軍將軍
門不容蓋

清白任真
暑不張蓋
暑不張蓋
勞不坐乘
暑不張蓋

乘此羽葆
蓋備曰吾
當乘此羽
葆蓋車

曰殷孝祖
與賊合戰
每常以鼓
蓋自隨軍
中人相謂曰

若此射者
十手攢射
欲不與賊
交鋒而以
羽儀自標
顯

斃得乎是
日中流矢
死
風飛輓蓋
晉安帝紀曰桓

風飛其輓
蓋後
龍銜寶蓋
盧照隣詩曰龍銜寶蓋承

黃繖
唐韓愈詩曰
赫炎官張火繖

見龍女
赫炎官張火繖

初疑而待
顧婦自投
波中

子戴蒼
繖姿容甚
麗遂娶之

乃是大
蒼繖姿容
甚麗遂娶
之

傳曰武
成子舉頭
乃見

二人翬
白

織云
凡三又作
惡聲而

去徐後
告以惡
終

不復入
臺先
是遙
光行
還入

儀飾部
謂監
頤也

增錦花蓋
詳蓋
陰華蓋
潘岳藉田賦曰天子乃御
呼登仙
王莽傳曰
門不容蓋
詳蓋
自標羽儀
史
風飛輓蓋
晉安帝紀曰桓

蓋五

增啓北周庾信謝趙王賚馬并繖啓曰迴茲翠蓋事重
劉基之恩

雲罕一 關戟附

增徐廣車服注曰雲罕畢罕也 文獻通考曰罕畢象
畢昂為天階故為前引皆赤質金銅飾朱籐結網金獸
面罕方上有二螭首銜紅絲拂畢圓如扇 **原**徐爰釋
疑略注曰畢通作畢因星形以名之一曰天衢故羽林
前施畢罕以象之 漢舊儀曰法駕前驅有九旒雲罕

鳳皇關戟皮軒鸞旗 蔡邕獨斷曰前驅有九旒雲罕
關戟皮軒 **增**晉輿服志曰中朝大駕鹵簿有雲罕關
戟左畢右罕 後魏禮志曰大駕鹵簿前驅關戟雲罕

雲罕二

原詩盧令篇序曰齊侯好田獵畢弋而不修民事百姓
苦之故陳古以風焉按畢弋皆取禽獸之網襄公游獵
大施畢弋以為行飾畢當作畢 **增**宋志曰宋康定元
年以參知政事宋庠言乘輿常出入儀增清道馬百騎
內執罕畢者一騎 趙良謂商君曰持矛而操關戟者
傍車而趨 文獻通考曰宋元豐初禮文所言古者五

儀飾部

謂盛頤卷三百六十七

雲罕

契

輅謂之道德之車考工記車戟崇於及酋矛崇於戟各四尺戟矛皆插車騎謂之兵車戰國尚武故增插四戟謂之闐戟漢鹵簿前驅有鳳皇闐戟猶未施於五輅江左以來五輅乃以祭戟於車之右韜以紱繡之衣後周司輅左建旗右建闐戟闐戟方六尺而被之以繡皆戾於古請去五輅闐戟以應道德之稱


雲罕三

增天軍 雲罕 古賦曰前清塵兮天軍密扶路兮
游獵 掩雅 鶴舞于城載雲罕掩羣雅
詩也小雅之材七十四人故曰羣雅

雲罕四

原雲罕飛旒 傅元正都賦曰鸞旗即舉承
潘岳藉田賦曰五輅鳴鑿九旒 關戟嬋媛 詳
葛張衡東京賦曰雲罕九旒闐戟膠葛 關戟膠

淵鑑類函卷三百六十七



汗金类
卷三十一

